

艺术典

藝術典第七百二十二卷

術數部彙考三十六

大六壬類集 畢法賦中

傳鬼化財錢險危 占兵同前 謂三傳俱鬼則能去比肩既無奪財之神於傳內有一作財現其財安穩而無破也謂三合課中雖作日之鬼兩課俱空獨存一字中間爲財者乃名全鬼變爲財其財終是危險中出縱得之亦不安穩倘君子識事必不取其財也如占人命年上乘日鬼其禍仍發亦不爲財也如丙申丙子丙辰三日并干上丑土可以敵其水局獨存申金爲財如用晝將少畏龍蛇元皆水獸恐爲禍也

取還魂債格 緣三傳全爲脫氣反生干上財神者例如己丑干上亥三傳酉丑巳雖爲日之脫烝殊不知金局生起干上亥水作日之財己巳干上亥空亡尤爲的驗壬寅日返吟甲戌甲午甲申甲辰甲寅日干上戌又如丁丑日酉加巳用墓土將生空亡之財亦如前說有三傳爲脫烝生起支上財神者如壬寅壬戌二日并支上午甲午日支上戌亦爲取還魂債

求財急取格 如乙未日未加乙雖曰財就人格惟宜速去取之如緩則財反被未來墓其乙木却恐爲禍又如辛卯日卯加辛雖名財就人格亦宜速取其財如少緩亦被卯木尅其戌土反有害也

空財格 如丙子日酉加巳乃空財如用夜將反生三傳之財亦宜索債

危中取財格 緣干尅支辰爲財支上神爲鬼者不免自驚危中取財如甲辰日乃甲木尅辰土爲財如辰上乘申是也甲戌日支上申空亡似乎無畏乙丑乙未二日支上酉丙申日支上亥丁酉日支上子戊子日支上寅己亥日支上卯庚寅日支上巳辛卯日支上午作空亡不可畏之

眷屬豐盈居狹宅 凡占兵利先舉 謂三傳生其日干反脫其支辰者是也值此必人口豐隆而

居宅窄狹也如甲申日干上午三傳辰申子水局全來生日乃應人口豐盈也申金爲支辰反生三傳之水局乃應屋舍窄狹也如得此課切不可遷居寬廣之屋舍恐反生灾咎此乃造化使然不可逆天理而妄作也其餘占別事卽我盛而他衰我勝而他負後例准此乙酉日干上申三傳甲子辰又干上巳三傳亥子丑

人旺棄宅格 緣三傳生其日干而尅其支辰者占人雖亨旺而無正屋可居縱爲官多是寄居或欲逃亡而棄其家尤的如丁未日卯加未又亥加未用癸卯日酉加巳用甲午日子加丑丙戌日卯加辰用

贅婿卦 緣支加干而被干尅者其支上又乘脫烝或尅支者必無正屋可居如丙申日申加丙亥脫申丁酉日酉加丁亥脫酉戊子日子加戌未尅子己亥日亥加己卯脫亥

屋宅寬廣致人衰 占兵利爲主而後應或營空虛 謂三傳竊盜日干反生支辰者是也凡值此課必宅不容人居止不然人口少而居寬廣之屋舍致使人口日漸衰羸患難俱生惟宜棄此住場而別遷居止庶免此患餘占事皆我衰他旺我負他勝後例准此如甲辰日戌加寅甲戌日寅加戌又壬午日未加卯

賣宅備患格 緣三傳生支尅干惟宜兌賣宅舍以錢預備灾患之費如癸酉日辰加丑用己巳日卯加未丙寅日子加丑癸酉日伏吟

獅獸冲宅格 緣對鄰獸頭吻冲其本家或有獅子道路冲宅以致家道衰替如對鄰空亡不足

畏也如壬辰日申加戌作白虎冲支上寅辛巳日伏吟亥作虎冲支上巳甲午庚午二日伏吟子作虎冲支上午辛丑日酉加未作虎冲支上卯

血厭尅宅格 緣天后乘血支血忌作月厭臨支尅支凡交易買賣鋪店皆宜忌此如七月癸亥日辰作天后加亥乃夜占緣七月血忌在辰月厭亦在辰又墓尅其宅神故也止有七月占有血忌與月厭同處餘只有天后臨血支血忌之例

三傳遞生人舉薦 生干客勝生支主勝 此格有二等一自初傳生中中生末傳末傳生日干一自末生中傳中傳生初傳初傳生日干凡占值二例必隔三隔四有人於上位推薦之意所謂皆賴衆人之說如欲幹官及請舉文狀皆宜得之必得始終成就也惟宜詳初末空亡如值空亡者雖有舉薦之心終無成就之實乃便作閑話多赤心少之語也如辛丑日卯加丑爲初傳生其中傳巳中傳己生末傳未未土生辛干此中空未落空如年月併幹事人命填實可成又辛酉日干上寅癸未日干上卯甲子壬申壬辰甲申壬寅壬子壬戌並干上午丙子丙寅丙辰丙午丙申丙戌干上申三傳申亥寅此數日內有傳空者有傳不空者如丙子初中空丙寅中末空

將生財神格 緣三傳作財其天將又生財神者大宜取財如六丙日酉加巳夜

支干相生格 如壬戌日干上申支上未土生申金金來生日可無畏未爲鬼然後作福

兩面刀格 如六戊日伏吟巳申寅未傳寅能助初生干必能尅干俗諺云成也蕭何敗也蕭何作兩面刀 外有三傳生干天將又生傳者例如六癸日三傳酉丑巳或巳丑酉畫占天將貴

常勾

三傳互尅衆人欺 尅干客敗尅支主敗 此例亦有二等一初尅中中尅末末尅日干一末尅中

中尅初初尅日干凡占值此二例必有人遞互而相尅害我也或使衆口一詞總相欺凌或如常人所爲凶橫遂被他人雷攻狀論如或見在朝官占得此課宜自檢束隄防恐有臺閣上言之患如丙辰日初傳寅加酉尅中傳未其中傳未尅末傳子末傳子尅日干丙火辛酉日干上卯己巳日伏吟六戊日伏吟如丙子日末傳寅加未尅中傳未中傳未尅初傳子初傳子尅丙火日干求財大獲格 如庚辰日干上丑三傳寅未子自庚金尅初傳寅爲財初傳寅木尅中傳未土中傳未土尅末傳子水總爲財故求財可以大獲此法極好他課例推又如乙酉日未加寅或如乙

丑日干上酉三傳寅未子俱同

土將助財格 如六丙日酉加巳三傳皆財夜將又皆土神儘生起財神大宜求財事尤宜成合萬事却不利父母占病死兼此人不義多貪橫發

雀鬼格 朱雀作日鬼加干如在朝官防彈章及不宜上書獻策反受責黜六丙日干上亥夜六庚日干上巳墓六甲日干上酉夜六戊日干上卯晝壬癸日未乘雀晝貴順行有之但不臨干如臨年命亦可用

三傳內戰格 緣三傳俱下賊上迤邐克去遞相侵伐乃名三傳內戰凡占必是有窩犯訟自家庭而出如癸酉日未加寅下剋上中傳子加未受剋未傳已加子亦受剋且天盤未剋子子剋已地盤寅剋未未剋子儘相傷伐而無窮也又如戊辰日寅加酉爲發用亦同

有始無終難變易 占兵有先後互爲勝負 此一句乃是二項事體夫有始無終者乃因初傳是

日之長生末傳爲干之墓是也夫難變易者乃初爲干墓末爲干之長生是也如乙未日初傳亥加未爲干之長生末傳未加卯爲干墓占得此例者如初起謀事之時如花似錦後將必無成合

又如乙丑日亥加丑初傳亥末傳未皆自生傳墓也亦如前說又如丙寅日戌加寅初傳戌爲干墓未傳寅乃丙火長生之地占事先難後易又如壬子壬寅二日辰加寅爲初傳申加午爲末傳此乃自墓傳生先迷後醒如占得此例謀事之初雖值艱難已後却有成合凡占未免先暗後明捨損就益格如甲辰日丑加甲丑乃日之破碎支上卯又作六害又是干之羊刃宜棄此而就三傳子亥戌爲生干凡占不免捨無益而就亨旺也占得此例一則有壽二則自微至顯又如甲子日亥加甲六月占乃父母爻作空亡又是死炁又爲木之長生主父母災如父母歿後不論餘極多倣此

苦去甘來樂裏悲 不成功處反成功 此一句亦宜分爲二項說且夫苦去甘來者如戊午日末傳申生中傳亥水中傳水生初傳寅木而尅日干之戊土誠爲被寅木之苦殊不知反賴末之申金冲尅其實又爲戊土之長生乃應苦去甘來之喻也凡占未免先受磨折後却安逸又如六戊日伏吟乃初尅中中尅末末尅日干亦是先被寅苦殊不知又賴寅徑生其已火而生戊干也以一二例亦可作成敗蕭何

一喜一悲格 如癸亥日干上戊乘龍尅日乃幸中不幸支上申乘虎生日乃不幸中幸又癸卯日干上申乘虎支上戊乘龍又壬寅壬子戊加子發用夜將同如干上長生於月令無炁却喜傳中見鬼乃甲日上見亥月令無炁傳中見申酉爲可生亥水也亦名不幸中幸

樂裏生憂格 如庚寅日干上巳乃庚金之長生支上亥乃寅木之長生此乃先各有長生之意然後遞互相參其庚金反被亥水脫寅木又被巳火脫却反爲兩邊脫盜凡占皆然又甲申日干上亥支上巳同前又庚辰日干上戌生干支上午生辰此例止宜坐待用事儘有其益如若動其支干皆坐於尅鄉如庚午日干上辰土生庚金支上寅木生午火亦宜坐用倘動其支干坐於脫炁鄉如庚子日干上巳作干之長生殊不知己火亦能尅庚金且支上酉生支殊不知水敗于酉如癸酉癸丑癸巳三日酉加癸晝占三傳雖金生日其天將皆來傷日雖有面前之生背後反爲深害占病死占訟刑乃應俗諺云貪得一粒粟失却半年糧凡占俱如是如庚辰日干上巳雖曰日之長生却被未傳生中傳中傳生初傳之巳火而尅庚干丙申日夜占干上申三傳申亥寅初傳申加巳作日之財受上下夾尅而無用中傳爲日之鬼末傳乘虎遁壬水尅干先是初生中中

生未未生日干後却變出許多不美亦如前說已上諸例變宮商薤露

恩多怨深格 緣千生初恩也初生中中生未未却尅日干反成仇是也如己巳日申加己生中

傳之亥水中傳水生未傳之寅木反尅日干之己土乙亥乙未乙巳乙卯四日午加亥用

不幸中幸幸中不幸格 緣白虎却作長生青龍却乘日鬼是也凡占皆然如六戊日伏吟晝占

三重白虎作長生乃不幸中幸如夜占三重青龍作日干之鬼乃幸中不幸外有戊己日返吟三

月占生炁尅日主病死炁生日主生

人宅受脫俱招盜 占兵主客俱不利 此例亦有二等一則支上干上皆乘脫炁一則干上脫支

支上脫干已上二例凡占人被脫賺家宅必被盜竊財物如占病定然起蓋屋宅費用以致心氣

脫弱而成虛憊宜服補元氣藥餌獲愈內有支干遞互相脫者及相交涉必是我欲脫漏彼彼亦

早辦脫漏我也既各懷脫漏之意故應道典云天網恢恢疎而不漏 遙尅昴星別責乘空落

空爲初傳發用將乘元武者凡占定主失脫此法極驗如乙亥日蒿矢酉元加亥用丙子日彈射

申元加子用晝將己巳日彈射亥元加酉辛丑日別責己元加甲夜將庚午日昴星戌加酉晝將

夜將有之又有庚子日元首辰空元加子晝將皆乘元武辛亥卯加戌晝將此等日乃空亡乘元武爲用但初傳不係遙尅并昴星

財空乘元格 或臨支發用亦防失脫如甲子日戌加子晝占上乘元武此例極多

鬼脫乘元格 緣日鬼或脫炁乘元武來意占失脫爲發用尤的如己酉日卯加酉晝辛丑日亥加丑夜

千支皆敗勢傾頽 占兵同前 謂千支上皆逢敗炁者占身氣血衰敗占宅屋舍崩頽日漸狼狽全無長進更不可捕捉奸私告訐他人陰事倘若到官必牽連我之舊過同時敗露各獲罪也其餘占用彼此皆值衰敗乃應俗諺云殺人一萬自損三千之意也如甲申日千上子支上午庚寅日千上午支上子丙申丙寅日千上卯

破敗神臨宅格 緣支上有敗炁又爲破碎煞必宅中有人不利而致日漸衰殘家道破敗宜詳其破敗者類神是何人如己巳亥二日千上乘酉乃千之敗氣又作支之破碎故總名爲破敗神也以類推之晝占必家中有破敗之子緣酉爲巳土之子息故也夜乘天后因妾敗又戌寅戌

申日干上酉壬寅壬申癸巳癸亥四日干上酉並同其酉爲婢類亦緣酒色而敗家其餘破敗神臨之同說一說破敗神臨干主凶非臨支

末助初兮三等論 占兵視其或利主或利客 謂末傳助其初傳而生日干者亦有末助初而尅干者亦有末助初傳而作日之財神者此三等皆是傍有相助而各成其上說內末助初生日者欲年命制末始可言吉年命生末反凶如庚午日干上午三傳午辰寅末傳寅加辰生起初傳午火而尅伐庚金末傳之寅木乃教唆詞訟之人也其爲公曹吏道士爲鬚鬚人或屬虎人或姓從木詳天將逐類而言之尤不宜求財取財反爲禍也又庚辰庚申二日寅加辰辛未日卯加戌甲辰日辰加子

抱鷄不鬪格 緣己亥己酉卯丑亥爲傳庚寅日午辰寅爲傳癸亥日丑卯巳爲傳雖末助初而尅干者因初傳或空亡或落空本無意尅其日干其末傳徒爲冤憎乃初傳無力終不能尅干故取喻於抱鷄不鬪之例也

枉做惡人格 如庚戌日午辰寅爲三傳末空干上午又庚子日午辰寅爲三傳末傳落空亦是

未助初傳而尅日干者緣未傳空亡不能助其初傳其教唆人必自敗露所以喻爲枉做惡人也
謁求禍出格 乃支上神作財生干上神爲鬼者大不利謁貴求財犯之卽有禍出如甲子甲午
日干上酉甲辰甲戌日干上申乙亥乙巳日干上酉乙卯乙酉日干上申丙寅日干上子又干上
亥 二等者如辛酉日未傳巳加子助其初傳之未土生日干者例必傍有人暗地相助推薦
而致亨旺如值未傳空亡亦名閒話多赤心少也六戌日伏吟己巳日伏吟己丑辛亥己巳己卯
己亥己未辛酉七日並干上子 三等者如甲辰日干上子三傳戌申午未傳午加申助其初
傳之戌土而作甲干之財者凡占值此必暗有人以財相助也如占博奕宜此未助初爲財者作
例來意占婚尤的如甲寅甲午癸未日干上子 未助初傳作日財反尅干上神者如甲子日
干上子三傳戌申午又壬申日干上酉三傳午辰寅同

自招其禍格 緣年命自助其初傳而尅干者乃自招其禍必致患害也

閉口卦體兩般推 捕盜亦可察 心鏡云陽神作元武度四是終陰閉口卦止宜捕盜賊而追逃
亡此課縱值目前時師多未嘗拈出故立成法於後 地盤旬首上神乘元武者每日有一二

課推之如甲子旬中甲子日辰戌加子晝夜皆乘元武戌辰戌加子晝夜乙丑日卯加子晝乙丑日亥加子夜戊辰日辰加子夜晝庚午日戌加子晝夜庚午日辰加子晝夜己巳日卯加子晝己巳日亥加子夜丙寅日伏吟夜丙寅日申加子晝丙寅日寅加子晝丁卯伏吟夜丁卯日返吟夜甲申旬中甲申日辰戌加申晝夜戊子日辰加申晝夜又戌加申晝夜庚寅日辰戌加申晝夜乙酉亥加申夜卯加申晝丙戌日子午加申夜又返吟伏吟晝丁亥日午子加申夜返吟伏吟晝壬辰日子午加申夜返吟伏吟晝乙酉日己加申夜酉加申晝 甲戌旬中凡甲戌庚返吟伏吟

晝夜皆是乙亥日己亥加戌夜卯酉加戌晝己卯日卯酉加戌晝己亥加戌夜 甲午甲辰甲

寅三旬止有天盤之旬首乘元武無地盤旬首乘元武因元武不到東南方也亦可如其說凡旬

尾加旬首作元武者惟甲子甲申二旬申戌旬無之 旬尾加旬首爲發用者例更值初末上

下六合則氣塞於中如占病卽是癰重或患禁口痢不然咽喉腫塞或痰厥症不納飲食如占胎產定是啞兒如占失脫縱有傍人見其賊盜竊物竟不肯言之凡求人說事人但閉口而不語有無之意餘占更詳天將而言其事類且如上乘貴人告貴不允上乘朱雀占訟屈枉難伸乘白虎

占訟使人不明而伏罪餘皆倣此但不免應閉口之意此法尤好如甲申丙戌丁亥壬辰庚寅日並巳加申用甲寅戊午癸亥丙辰丁巳己未庚申日並亥加寅用惟丙辰丁巳爲閉口發用若甲午庚子丁酉日卯加午甲辰日丑加辰乙巳日丑加辰甲子丁卯日酉加子甲戌乙亥未加戌以上不必皆屬閉口發用但旬尾加旬首卽有閉口之意六旬中皆有 祿作閉口緣辛未日酉加寅大不利占病緣日祿作閉口非旬尾加旬首如乙未日卯加申酉夜又乘白虎或乘元武不在傳課就天盤言也亦非旬尾加旬首辛未日酉加戌夜亦乘白虎外有丙戌戊子日己爲閉口祿神但不乘虎壬戌日亥爲閉口亦無白虎 財作閉口或食神空亡皆如前說丙寅日干支上酉丁卯日干支上酉甲戌日干支上未壬辰癸巳日干支上巳庚子辛丑日干支上卯甲辰乙巳日干支上丑戊午己未日干支上亥

太陽照武宜擒賊 不利劫營伐路 謂元武坐於太陽月將之上占賊必敗緣賊人喜夜而可以隱形豈宜被太陽之光照耀以致盜賊之形現露不勞捕捉必然自敗縱太陽月將乘天空或作空亡及坐空亡尤好緣太陽不被雲翳更光明也惟畏占時在夜賊反大幸也尤宜逐季推尋日

出日入之時極准如止以卯爲日出酉爲日入則元武止有臨地盤之申上者爲晝緣不臨地盤寅卯辰巳午未故也如推究節氣日出日入則元武縱臨酉戌尙可作太陽照武之用也如壬申日返吟卦十月占且支上寅木乃是日之盜炁上又乘元武必是家中人作盜後必敗露緣寅爲月將照破元武故也如辛亥日亥將戌時三傳丑寅卯此課所合主失脫而無疑也緣干上亥是日之盜神又乘元武又初傳是日之墓神中傳雖寅卯爲日財又是旬空雖是太陽照武奈是戌時太陽已歸地下其賊難獲此例極多餘皆倣此至元武雖不臨太陽之上如加於卯辰巳午申天盤之上者尙可捕盜或元武臨天馬六丁更臨酉戌亥子丑上其賊終不敗露必至遠竄如占失財其財坐長生之上者終不致失或所失物類坐於長生之上者亦不至失也

天網四張格 最宜占賊必獲謂用神與正時同尅日是也惟在破網卦反難捉賊矣破網者有神尅其初傳者是也 賊向防連坐者例緣元武所臨之神有神作六合是也如元武加子臨丑子與丑作六合故也

捉賊不如趕賊格 假令甲日占以申爲賊不可便以丙火去尅之雖去其鬼賊亦竊甲干之炁

尤憂所費以此推之不如以壬水暗竊其申金尤生其甲木爲妙

遊都下捉賊必獲遊都煞

者甲己日丑乙庚日子丙辛日寅丁壬日巳戊癸日申

元武加丁主失脫

賊捉賊格

如壬癸日辰戌未丑等爲傳三傳自相刑沖可以凶制凶又內有四金字可以化鬼

也又元之本家上神能制元亦是

鬼作生煞賊來不已如日之劫財或占失財亦以此爲賊

或鬼賊本家與元武本家上神乘太陽占盜賊立獲

后合占婚豈用媒

大過九五枯楊生花家人九三嚙嚙嚙占兵有敵與臣下私謀者謂干爲

夫支爲妻凡占婚全看此豈宜支干上乘天后六合以應私情那更女之行年居在干上男之行

年居在支上此乃私情先相交通至嫁娶之期何用媒伐乎如占婚值此者必有先奸後娶之意

也如丁卯日干上寅畫乘六合支上戌乘天后又干上子夜乘六合支上申乘天后又干上戌乘

天后支上午乘六合夜更看那邊空亡審其真僞如值空亡則雖乘天后六合既已坐空乃止懷

虛意也

富貴干支逢祿馬

功成受賞

謂干上有支驛馬支上有干祿神者故名真富貴卦凡君子占